



МЕСЯЦА ЯНВАРЯ В 7-Й ДЕНЬ

Собор святого славного Пророка,
Предтечи и Крестителя Иоанна

ВЕЧЕР

Стихология не бывает бдения ради бывшего, кроме субботы. На Господи, возвах: стихиры праздника 3, глас 2:

Просветителя нашего, / просвещающего
всякаго человека, / видев Предтеча, креститися
пришедша, / радуется душею и трепещет, / рукою
показует Его, и глаголет людем: / Сей, избавляя
Израиля, / свободяя нас от исления. / О безгрешный
Христе Боже наш, слава Тебе!

Избавителю нашему, от раба крещаему / и Духа
пришествием свидетельствуему, / ужасошася, зряще,
Ангельская воинства. / Глас же с Небес
принесся от Отца: / Сей, Егоже Предтеча рукою
крещает, / Сын Мой есть возлюбленный, о Немже
благоволих. / Христе Боже наш, слава Тебе.

Иорданския струи Тебе, Источника, прияша, / и
Утешитель в виде голубине схождаше: / приклоняет
верх Приклонивый Небеса. / Зовет и вопиет брение
Зиждителю: / что ми повелеваеши, яже выше мене? /
Аз требую Твоего крещения, / о безгрешный
Христе Боже наш, слава Тебе.

И Предтечи 3, глас 1.

Подобен: Всехвальный мученицы:

Видев Тя грядуща, Христэ, к себе Предтеча / и Крещения просяща, / с трепетом возопи: / что ми повелеваеши, / яже паче силы совершити? / О Всесильне Господи, / како рукою коснуса Тебе, / рукою вся содержащаго? / Ты мя паче кресті, раба Твоего.

Явхся весь Человек ныне, / приступен тебе бых, / Естеством Неприступный, / волю обнищав, Богат сый, / яко да обнищавшее обогащу нетлением и избавлением. / Приступи, кресті тлению неподлежащаго / и мир от тли изымающаго.

Содержимь есмь отсюду / и, камо бежати, недоумеюся, — / рече Зиждителю Предтеча, — / поток сый пщный, Щедре, / како убо Тя речныя вшедшаго примут струи, / изливающа спасение / почитающим Твое святое, Слово, явление?

Слава, глас 6:

Во плоти светильниче, Предтече Спасов, / прозябение неплодныя, / друже Сущаго от Девы, Емуже взыгранми во утробе поклонился еси / и крестил еси в водах Иорданских. / Сего моли, молимся, Пророче, / будущих избежати треволнений.

И ныне, праздника, глас тойже:

Бог Слово явися плотию роду человеческому, / стояше креститься во Иордане, / и глаголаше к Немю Предтеча: / како простру руку и прикоснуса верху Держащаго всяческая? / Аще и от Марии еси Младенец, / но вем Тя, Бога Превечнаго, / по земли ходиши, певаемый от Серафим, / и раб Владыку крещати не научихся. Непостижиме Господи, слава Тебе.

Вход. Прокимен, глас 7: Бог наш на Небеси и на земли, / вся, елика восхотэ, сотвори.

Стих: Во исходе Израилеве от Египта, дому Иаковля из людей варвар, / бысть Иудея святыня Его, Израиль область Его.

Стих: Море виде и побеже, Иордан возвратися вспять.

Стих: Чтó ти есть, мóре, я́ко побéгло есѣ? / И тебе, Иорда́не, я́ко возвратѣлся есѣ вспя́ть?

И па́ки: Бог наш на Небесѣ и на землѣ:

Та́же ектенія.

На стихóвне стихи́ры, глас 4.

Подóбен: Дал есѣ зна́мение:

Я́ко ви́де Тя, Влады́ко, Иоáнн Предте́ча, к нему́ идуща, / ужáсен быв, / я́ко благона́вен раб со страхом вопи́яше: / ко́е смире́ние, Спа́се? / ка́я нищета́, в ню́же оде́ялся есѣ? / Богáтством блага́сти смири́вшагося челове́ка возне́с, / я́ко Благоутро́бен, / я́ко в него́ оде́явыйся.

Стих: Мóре ви́де и побеже́, / Иорда́н возвратѣся вспя́ть.

Грядѣ ко Мне,— / та́инство соверша́ющему спа́сительное Предте́чи противовещáл есѣ,— / со страхом послужи́ Спа́су вся́ческих и не ужасáйся. / Сокруше́ннаго бо Ада́ма грехо́м обновля́я, / крещáюся, я́ко Челове́к, естество́м Несквѣрный, / Иорда́нскими вода́ми, / в нѣхже ви́диши пришедша́ Мя.

Стих: Чтó ти есть, мóре, я́ко побéгло есѣ? / И тебе, Иорда́не, я́ко возвратѣлся есѣ вспя́ть?

Сóлнце очища́емо кто от земнорóдных ви́де,— / Иоáнн противорече́,— / и Одева́ющаго не́бо о́блаки обнажа́ема всего́, / и исто́чники, и ре́ки Содева́ющаго в во́ды входя́ща? / Дивлю́ся несказáнному смотре́нию Твоему́, Влады́ко, / не отягчи́ раба́ Твоего́ стра́шными повелѣ́нии.

Сла́ва, глас 4. Византи́ево:

Я́ко Ду́ха рачѣтель / и благода́ти Боговещáнная ла́стовица, / я́сно смотре́ние Царе́во, / челове́ческому рóду из Чѣ́стныя свѣ́тло возсия́вшаго / челове́ков на обновле́ние / просветѣ́л есѣ, Предте́че, / сѣтующих обы́чай отъѣмля в конѣ́ц / и жи́зни присносу́щныя при́яти направля́я сердца́ в пока́янии крещáемых, / блаже́нне Богоприятне.

И ны́не, глас то́йже:

Приидѣте, подража́им му́дрыя дѣвы, / приидѣте, сря́щим я́вльшагося Влады́ку, / я́ко прииде́, я́ко Жени́х, ко Иоáнну. / Иорда́н, ви́дев Тя, убо́яся и

пожда. / Иоанн вопияше: / не смею держати верха
Безсмертнаго. / Дух схождаше в виде голубине
освятити воды, / и глас с Небес: / Сей есть Сын
Мой, / пришедый в мир спасти род человеческий. /
Господи, слава Тебе.

Тропарь, глас 2:

Память праведнаго с похвалами, / тебе же довле-
ет свидетельство Господне, Предтече: / пока-
зал бо ся еси воистинну и пророков честнейший, /
яко и в струях крестити сподобился еси Пропове-
даннаго. / Темже, за истину пострадав, радуясь, /
благовестил еси и сущим во аде Бога, являшагося
плотию, / вземлющаго грех мира / и подающаго нам
велию милость.

Слава, и ныне, праздника:

Во Иордане крещаящуся Тебе, Господи, / Трой-
ческое явися поклонение: / Родителей бо глас
свидетельствоваше Тебе, / возлюбленнаго Тя Сы-
на именуя, / и Дух в виде голубине / извествоваше
словесе утверждение. / Явлейся Христе Боже / и
мир просвещей, слава Тебе.

На повечерии, по трисвятом, кондак Предтечи: Плотска-
го Твоего пришествия: На полунощнице глаголем кафизму
обычную. По 1-м трисвятом, вместо: Се Жених: глаголем
тропарь праздника. По 2-м трисвятом, кондак Предтечи:
Плотскаго Твоего пришествия:

НА УТРЕНИ

На Бог Господь: тропарь праздника, дважды.
Слава, Предтечи. И ныне, праздника.

По 1-й стихологии седален, глас 1.

Подобен: Камени запечатану:

Иисусу рождшуся от Девы Марии / и во Иордане
крещшуся от Иоанна, / Дух сниде на Него, зримый
в виде голубине, / Сего ради пророк со Ангелы
глаголаше, зовый: / слава пришествию Твоему,
Христе, / слава Царствию Твоему, / слава смотре-
нию Твоему, Едине Человеколюбче.

Слава, и ныне, тойже.

По 2-й стихологии седален, глас 4.

Подобен: Явился еси днесь:

Во струях видев Тя Иорданских, креститися хотяща, / великий Предтеча, Христэ, с веселием зываще: / пришел еси и явился еси, / Свет Непреступный.

Слава, и ныне, тойже.

Канон праздника первый со ирмосом на 6, тропарь, на 4, и другой со ирмосом на 4 (зри стр. 238, 239). Ирмосы обою канонов праздника по дважды и Предтечи канон на 4. Канон Предтечи. Творение Феофаново, егоже краеграние: Крестителю Христов, хваления моя прими. Глас 2.

Песнь 1

Ирмос: Непроходимое волнящееся море / Божиим Своим велением изсушившему / и пешествовати сквозе е израильтеския люди наставльшему, / Господеву поим: славно бо прославися.

Погружаема мя страстей бурю, Предтече, / молитвами твоими предварив, спаси: / безстрастия бо сам был еси приятелище честное и чистейшее, / Господу свѣше от младенства возложен.

Радуясь, Богу предстои Ангел равноангельнаго благовестия Захарии честному, / твоему священствующу отцу, / тя, всеблаженне, Господня Предтечу и друга бывша.

Исполнен был еси Всесвятаго Духа, еще во чреве твоей матери внутри носимъ, / и выгравием красным Девственный Плод, радуясь, возвестил еси, / и поклонился еси, пророче всечестне.

Непроходный всем человеком पहले странный путь жития просекшаго / и крестившаго Христа во Иорданских струях, / восхвалим Господня Предтечу, Божественнаго и Богомудраго.

Богородичен: Всеосвященный Девства храм, во чреве Бога Слова чревоносившая, / притекающая к Тебе и призывающая, Чистая, спаси молитвами Твоими, / бед разрушающая находение, Всенепорочная.

Катавасия: Глубины открыл есть дно:
Другий: Шествует морскую: По клиросом.

Песнь 3. Ин

Ирмос: На камени мя веры утвердив, / расширил еси уста моя на враги моя, / возвесели бо ся дух мой, внигда пети: / несть свят, якоже Бог наш, и несть праведен, паче Тебе, Господи.

Неплодствия поношение разрешил еси, познав Девы Божественное Рождество, / разыграл еси, радуясь во чреве матери, всехвальне, / Ангелов сожителю, Господень Предтече блаженнейший.

Стези предуготовив Господни, шествовал еси пред лицом Его, пророче, / яко светильник бо, всем являяй славы Отчее сияние, / явльшееся плотию нас ради, / показался еси всех изящнейший.

Возсиял еси, яко утро, правды Солнце возвещая сущим во тьме: / всех бо спасения ты был еси проповедник и Предтеча / и всем глагола еси: / ко Христу приступите верою и спасетесь.

Богородичен: Радость неизглаголанную приими, / зачала еси безсеменно Твоего Владыку, всю, Богомати, вселенную призывающего. / Ему же и взываем: / яко несть свят, паче Тебе, Господи.

Катавасия: Крепость дай:

Другий: Елицы древних:

Кондак, глас 4:

Явился еси днесь вселенней, / и свет Твой, Господи, знаменая на нас, / в разуме поющих Тя: / пришел еси и явился еси, / Свет Неприступный.

Икос:

Галилеи язычестей, Завулонстей странé и Неффалимстей земли, / якоже рече пророк, Свет велик возсия — Христос. / Омраченным светла явися Заря, из Вифлеема облистаяющая, / паче же из Марии — Господь, всей вселенней возсиявает лучи Солнце правды. / Тем же, иже от Адама назии, приидите вси, облечемся в Него, да согреемся: / покрывает бо нагия и просвещает темныя. / Пришел еси и явился еси, Свет Неприступный.

Та́же седа́лен, глас 8.

Подобен: Премудрости:

Иорда́н струя́ми служит, и Ио́анн простира́ет ру́ку тле́нную / я́вльшуся Тебе́, Невидиме, плóтию ко Креще́нию. / Но ов у́бо возвраща́шеся вспя́ть со стра́хом, / ов же а́бие держа́ще с трéпетом Тя, Нетле́ннаго. / Войстинну́ Агне́ц Бо́жий, Исто́чник присноживо́тный, / исто́чники же, и моря́, и чело́вэки освя́тив, / Трóица бо просия́ свѣ́ше, / Сы́на Тя имену́ет Родите́ль, и Святы́й Ду́х схóдит.

Сла́ва, и ны́не, то́йже.

Песнь 4. Ин

Ирмо́с: Пою́ Тя, слухом бо, Го́споди, услы́шах и ужасо́хся: / до мене́ бо идеши, мене́ ища́, заблуждшаго. / Тем мно́гое Твое́ снизхожде́ние, е́же на мя, / прославля́ю, Многоми́лостиве.

Оскверне́нные омы́ти водо́ю послáлся еси́, / от Влады́ки уготовля́я при́яти вземлю́щаго грех Христа́ / и лeсть отгоня́ща Богоразу́мия заре́ю, всече́стне.

Я́да ми зми́на угрызё́ния исцелíti, блаже́нне, моли́, и́же Христа́ вода́ми крестíв Иорда́нскими, / в ни́хже зми́ев вогнездíвшуюся зло́бу Спас сокруши́.

Му́дростию Бо́жиею укра́шен, пришёл еси́ Христо́проповедник: / Вопи́ющаго бо был еси́ зову́щий, — пока́йтесь! — / глас, яко́ проро́к, провозгласи́, / Су́щаго па́че всех чело́век Тя показу́я нам.

Стра́нное и чело́вэки нетре́нное живы́й жити́е, / предста́л еси́ вода́м, всеизряднейше, Иорда́нским, / глас О́тчий слы́шав и пришество́вие Ду́ха узрѣв.

Богородичен: И́же вся созда́вый Го́сподь, по нам Сам зи́ждется, / всели́вся, Всечы́стая, во утробу Твою́ всесвяту́ю, / во о́браз чело́вечь оде́йся и Свой о́браз спасе́.

Катава́сия: Услы́шах, Го́споди:

Други́й: Огнём очи́щся:

Песнь 5. Ин

Ирмо́с: Просвеще́ние во тьме лежа́щих, / спасе́ние отча́янных, Христе́, Спа́се мой, / к Тебе́ у́тре-

нюю, Царю міра, / просвети мя сияніем Твоим: / ино́го бо, разве Тебе́, бо́га не зна́ю.

Преестественныя добродетели светлостью озарен, / яко от Небеснаго тайновождения вода́м предстал еси́ Иорданским, / крещая и очищая водою, Предтече, / верою душевною приступающия тебе́.

Чистый и Нетленный Свет хотя́ крестити, / сосуд чистейший показался еси́, Иоанне: / боли́й бо всех от Него́ предызбрался еси́, пророков же честнейший, / Пророчествованнаго бо сподобился еси́ видети.

Послан быв пред лицем Господним, / всего́ всем стези́ человеком показуя, / прикаса́ется, трепеща, верху́ Владычню и крещает, глаголя, Предтеча: / ино́го, разве Тебе́, бо́га не вем.

Кто ви́де, или́ кто слы́ша, / когда́ Безсквернаго созданию́ верх преклоняюща, рукою́ вся Содержащаго? / Тем трепетно Креститель вопияше: / ино́го, па́че Тебе́, бо́га не вем.

Богородичен: Сын Божий, Сын Твой, Дево, я́ве показася, / дела́ яко Бог совершая́ волею́ единою. / Те́мже Тя вси, и́стинно Богородицу, и господственно имену́ем: / ины́я бо ма́тере Божия не ве́мы.

Катавасия: Иисус, живота́ Нача́льник:

Другий: Врага́ тёмнаго:

Песнь 6. Ин

Ирмос: В бездне греховней валя́ясь, / неизследную́ милосердия́ Твоего́ призываю́ бездну: / от тли, Бо́же, мя возведи́.

Ты Сло́ва глас предшествовал еси́ / и, яко светоносная звезда́, возсия́л еси́, / провозвещая́, Предтече, ты правды Со́лнца.

Земных попечений не уве́дел еси́ / и Небесными надеждами обогати́лся еси́: / на земли́, яко́ Ангел, жизнь совершил еси́, всеблаженне.

Пророков тя печа́ть зна́ем, / яко́ ветхаго и но́ваго ходата́я, / и Крестителя, и Предтечу́ Спа́са Христа́ предвозвещаем.

Богородичен: Несказанно вои́стинну зача́тие, / неизреченно Рождество́ Твое́ и непостижимо́ всем ве́рным познава́ется и веруется, / Еди́на Богоневесто́.

Катавасия: Глас Словесé:

Другій: Вожделённаго явствова:

Кондак, глас 6:

Плотскаго Твоего пришествия убоявсь, / Иордан
страхом возвращаешься; / пророческое же служение
исполняя, / Иоанн трепетом спрятаешься; /
Ангельския чины ужасахуся, / зряще Тя, во струях
плотию крещаемая; / и вси, сущии во тьме, озаряху-
ся, / воспевающе Тя, явльшагося и просветившаго
вся.

Икос:

Ослепшу Адаму во Едеме, явися Солнце из
Вифлеема / и отверзе ему зеницы, омыв сия
Иорданскими водами. / Очерневшему и омрачен-
ному Свет возсия неугасимый. / Уже ему несть
нощь, но всегда день, / еже ко утру утро, / его ради
родися; / к вечеру бо сокрыся, якоже пишет, /
обрете зарю, возставляющую того. / Иже к вечеру
падый изменися мрака / и достиге ко утру Явль-
шагося и Просветившаго вся.

Песнь 7. Ин

Ирмос: *Купина в горé огненеопальная / и росо-
носная пещь халдейская яве предписа Тя, Богоне-
весто: / Божественный бо, Невещественный в
вещественном чреве Огнь неопально прияла еси. /
Темже из Тебе Родшшемуся поем: / благословен
еси, Боже отец наших.*

Священнодействовав Крещение и совершив,
Предтече, / яже от Бога яве данныя тебе тайны, /
яко агнец незлобив священнодействуемый, при-
несся еси жертва. / Темже с тобою согласно
поем: / благословен Бог отец наших.

Новый Илия ты был еси, / со дерзновением,
Предтече, и царя обличая беззаконновавша, / и
житие невещественно показуя нам, якоже он,
треблаженне. / Темже с тобою, пророче, поем: /
благословен Бог отец наших.

Иже пророков больший и апостолов, Предтече,
Христовых / Божественную честь наследовав, / ты
закона исполнение и начало яве новыя благодати
явился еси. / Темже с тобою, треблаженне, поем: /
благословен Бог отец наших.

Богорóдичен: Песнословéньми Всечы́стую и Богоприятную Влады́чицу, / благочестивии, досто́йно вси воспойм, / я́ко Бóга рóждшую Единорóднаго, нам челове́ком явльшася. / К Немúже, вёрнии, соглáсно поём: / благословéн Бог отецъ нáших.

Катав́асия: Юноши благочестивыя:

Други́й: Опали́ струёю змíевы главы́:

Песнь 8. Ин

Ирмо́с: Пещь иногда́ о́гненная в Вавилóне дéйства разделяше, / Бóжиим велéнием халдéи опаля́ющая, / вёрныя же ороша́ющая, пою́щая: / благословíte, вся дела́ Господня, Гóспода.

Тя, и́же на земли́ равноа́нгельна явльшася пременéнным житиём / и всех вь́пша, Иоáнне всеблаже́нне, радостно почитáем, зовúще: / благословíte, вся дела́ Господня, Гóспода.

Еди́но в Трех Божества́ Существо́ Единосúщными Ипостáсьми, прорóче, научил еси́: / глáсом бо Родителя́ и пришéствием Дúха позна́л еси́ Крещáемаго: / Сло́ва Бóжия Присносúщнаго.

У́тро мы́сленное, Сóлнце возвещáя, е́же из Дéвы возсия́вшее, / из непло́дныя предтéкл еси́, Иоáнне всечестне, / и А́гнца проповéдал еси́, ми́ра грех человеколю́бием взéмлющаго.

Свѣ́ше нас ны́не назира́я, блаже́нне, твоими́ моли́твами сохрани́, / Божéственному проповéданию послéдующия твоёмú, всеблаже́нне, / и во учéниях пребывáюще, Предтéче, Божéственных и спаси́тельных твои́х догмáтов.

Богорóдичен: Сла́вы Отчия зачала́ еси́ нескáзанно Превéчное Осия́ние / и Сло́во Безнача́льное, в началé сúщее разумева́емое, / и ны́не из Тебé перворождéнна, Всечы́стая, бѣ́вша неизмéнно твáри.

Катав́асия: Та́йну пресла́вную Вавилóнская:

Други́й: Свобóдна úбо тварь познава́ется:

На 9-й пѣ́сни Честнѣ́йшую: не поём, но поём припѣ́вы прáздника, и Предтѣ́чи, и ирмосы́.

Припѣ́в: Велича́й, душе́ моя, / Честнѣ́йшую горних во́инств, Дéву Пречы́стую Богорóдицу.

Песнь 9

Ирмос: Недоумѣет всякъ язЫкъ благохвалити по достояннЮ, / изумевает же ум и премирный пѣти Тя, Богородице. / Обаче, Благая сущи, веру приими, / ибо любовь веси Божественную нашу: / Ты бо христиан еси Предстательница, Тя величаем.

Таже второй лик поет тойже припев и ирмос.

Величай, душе моя, / от Предтечи Крещения Просяща.

Величай, душе моя, / во Иордане Пришедшаго креститися.

Давиде, прииди Духом к просвещенным, — / ныне приступите, — пой к Богу, — / верою, — глаголя, — просветитесь! / Сей нищий возва Адам в падении, / ибо того услыша Господь, / пришед, струями Иорданскими тленнаго же обнови. Дважды.

Величай, душе моя, / от Отческаго гласа свидѣтельствовавна.

Исаия, — измѣйтесь, очиститесь! — глаголет, — лукавствия пред Господем оставите. / Жажущии, на воду живу идите: / кропит бо водою, обновляя, Христос приступающия к Немю верою / и к животу нестареемому крещает Духом.

Величай, душе моя, / Единого от Троицы, / преклоньшаго вѣю и крещение приѣмша.

Соблюдаемъя благодатию, вернии, и печатию: / яко бо губителя, бежаша прага евреи, древле окровавлена, / тако и нам исходное Божественное сие пакибытия баня будет. / Отсюду и Троицы узрим Свет Незаходимый.

Таже первый лик поет второго канона припев:

Днесь Владыка / преклоняет вѣю под руку Предтечеву.

И ирмос: О, паче ума Рождества Твоего чудес! / Невесто Всечистая, Мати благословенная! / Еюже получивше всесовершенное спасение, / достойно хвалим, яко Благодетеля, дар носяще песнь благодарения.

Таже второй лик поет тойже припев и ирмос.

Днесь Иоанн крещает Владыку / во струях Иорданских.

Уведехом Моисею купиною явленная, / гряди, странными уставами соделанная: / яко бо спасеся,

Огнь носящи, Дѣва, Светоносна рождши Благодѣтеля, / во Иорданских же струях явленна.

Днесь Владыка / водами погребает человѣчский грех.

Помазѹеши, совершая человѣческое существо, Царю Безначальне, / Духа общением, струями чистыми отмыв / и тьмы крепость же посрамль возвышенную; / ныне в безпрестаннем воздати житий.

Ин

Ирмос: *Яже прежде солнца светильника Бога возсиявшаго, / плотски к нам пришедшаго из боку Девычу, / неизреченно воплотившая, Благословенная Всечистая, / Тя, Богородице, величаем.*

Припѣв к тропарем Предтечевым:

Величай, душе моя, / [иже] во пророцех великаго Предтечу.

Из пустыни Предтеча глас Слово показует, плотски к нам пришедшее, / и присущее прерадостно крестити готовится, / души очищающее от греха веры ради.

Благодать же и закон ходатая ты честна яве предлагают: / ов убо запечатствующаго, овая же начинающаго, / всех пророков Слово предпочтеннаго, / паче видимых поживша, всечестне.

Безтелесным подобное житие показав, со Ангельскими лики веселится / и, престолу предстоя Владычню, радуется, / восхваляющим оставление и спасение испрошая.

Припѣв первый: **В**еличай, душе моя, / Честнейшую горних воинств, / Деву Пречистую Богородицу.

Богородичен: **З**а благоутробие всех Избавитель Человек бывает / и плотское рождение приемлет, / человеколюбно паче человеков сын Человеколюбец, / из девственного ложа Твоего, Богородительнице Всеблаженная.

И посем на сходе поем оба лика вкупе припѣв праздника. Таже катавасия: Недоумѣет всяк язык: Таже припѣв Богородице и ирмос: О, паче умá: И поклон.

Светѣлен Предтечи.

Подобен: Духом во святѣлицѣ:

Стези предуготовал еси чудно Господеви: / глас бо был еси Того пришествия и проповедник истиннейший, / пророков превъшший, блаженне Иоанне: / ты Свет видел еси, яко неизглаголанное Его скончав смотрение.

Слава, и ныне, праздника:

Явился Спас, Благодать и Истина, во струях Иорданских / и сущия во тьме и сени спящих просветил есть, / ибо прииде и явился Свет Неприступный.

На хвалитех стихирѣ на 4, глас 1.

Самогласны: Свет от Света / возсия миру, Христос, Спас наш, / явлейся Бог: / Сему, людие, поклонимся.

Како Тя, Христѣ, / раби, Владыку достойно почитим? / яко в водах всех нас обновил еси.

Ты, во Иорданѣ крещся, Спасе наш, / воды освятил еси, / дланию раба рукополагаемый / и страсти мира врачуяй. / Велие таинство явления Твоего, / Человеколюбче Господи, слава Тебѣ.

Истинный Свет явился / и всем просвещение дарует. / Крещается Христос с нами, / Иже всякия вѣшши чистоты, / влагает священие воде, / и душам сие очищение бывает, / земное являемое и вѣшше Небес разумеваемое. / Банею спасение, водою же Дух, / погружения ради, иже к Богу, наш восход бывает. / Чудесна дела Твоя, Господи, слава Тебѣ.

Слава, глас 6. Самогласен:

Ангел из неплодных ложесн произшел еси, Крестителю, / от самых пелен в пустыню вселился еси, / печать же всех пророков показался еси: / Егоже бо они многообразно видеша / и гадательно проповедаша, / Сего крестити во Иорданѣ сподобился еси. / Глас же услышал еси Отеческий с Небесѣ, / свидетельствующ Его Сыновство, / и Духа видел еси голубиным видом, / Глас влекущаго на Крещаемого. / Но, о всех пророков превъшший, / не престай молитися о нас, / верно творящих твою память.

И ныне, глас 2. Анатолія:

Днесь Христос на Иордан прииде креститися, / днесь Иоанн касается верху Владычню. / Силы Небесныя ужасошася, / преславное видяще таинство. / Море виде и побеже, / Иордан, виде, возвратися. / Мы же, просвещшеся, вопием: / слава явившемуся Богу, / и на земли виденному, и просветившему мир.

Славословие великое. По трисвятѣм тропарь Предтечи. Слава, и ныне, праздника, ектений, и отпуст, и час первый. На первом часе тропарь праздника. Слава, Предтечи. И ныне, Богородичен часов. По трисвятѣм, кондак праздника и прочее. И совершенный отпуст.

НА ЛИТУРГИИ

Блаженны праздника, песнь 3-я, на 4 и святаго песнь 6-я, на 4. По входе тропарь праздника и Предтечи. Слава, кондак Предтечи. И ныне, праздника. Входное: Спаси ны, Сыне Божий, во Иордане крестивыйся, поющия Ти: аллилуия. Сие поем и до отдания. Прокимен, глас 7: Возвеселится праведник о Господе / и уповает на Него. Стих: Услыши, Боже, глас мой: Апостол в Деяниях, зачало 42. Аллилуия, глас 5: Свет возсия праведнику / и правым сердцем веселие. Стих: Веселитесь, праведнии, о Господе: Евангелие от Иоанна, зачало 3. Причастен: Явился благодать Божия: Другий: В память вечную будет праведник.

Молитва

Крестителю Христов, проповедниче покаяния, кающагося не презри мене, но, совокупляясь с вои Небесными, молися ко Владыце за мене, недостойнаго, унылаго, немощнаго и печальнаго, во многия беды впавшаго, утружденнаго бурными помыслы ума моего. Аз бо есмь вертеп злых дел, отнюдь не имеяй конца греховному обычаю, пригвожден бо есть ум мой земным вещем. Что сотворю, не вем, и к кому прибегну, да спасена будет душа моя, токмо к тебе, святый Иоанне, благодати тезоимените, яко ты пред Господем, по Богородице, вем больша быти рожденных всех: ты бо сподобился еси коснуться верху Царя Христа, вземлющаго грехи мира, Агнца Божия. Егоже моли за грешную мою душу, да поне отныне, в первый-надесять час, понесу тяготу благую и приму мзду с последними. Ей, Крестителю Христов, честный Предтече,

кра́йний проро́че, пе́рвый во благода́ти му́чениче, по́стников и пусты́нников наста́вниче, чистоты́ учи́телю и бли́жний дру́же Христо́в, тя молю́, к тебѣ прибега́ю, не отру́ни мене́ от твоего́ заступле́ния, но возста́ви мя, па́дшагося мно́гими грехи́, обнови́ ду́шу мою́ пока́нием, я́ко вторы́м креще́нием, понѣже обо́его нача́льник еси́, креще́нием омыва́яй грех, пока́ние же проповѣдуя́й во очище́ние ко́ждо дел скве́рных; очисти́ у́бо мя, грехми́ оскверне́ннаго, и понуди́ внѣти, а́може ничто́ же скве́рно входит, в Ца́рствие Небе́сное. Ами́нь.

Аще прилучи́тся собо́р Иоа́нна Предте́чи в неде́лю, и поём си́це: в суббо́ту ве́чера, на ма́лой ве́черни стихи́ры воскресе́ны и Богоро́дицы, по обы́чаю. На вели́цей ве́черни по кафи́зме, на Го́споди, воззва́х: стихи́ры воскресе́ны гласа, 3. И пра́здника, 4, глас 2: Просвети́теля на́шего: и Предте́чи 3, глас 1, подо́бен: Всехва́льнии му́ченицы: Сла́ва, Предте́чи. И ны́не, Богоро́дичен пе́рвый, гласа. Прокі́мен дие. На лити́й стихи́ры пра́здника, поёмья на са́мый пра́здник. Сла́ва, пра́здника, глас 8: Го́споди, испо́лнити хотя́: И ны́не, глас то́йже: Днесь тварь просвещает́ся: На стихо́вне стихи́ры воскресе́ны, от алфави́та. Сла́ва, Предте́чи, глас 4. И ны́не, пра́здника. На благослове́нии хлѣбов тропа́рь, Богоро́дице Де́во: еди́ножды, и пра́здника, еди́ножды, и Предте́чи, еди́ножды. И чтем в Посла́ниях апо́стольских.

А иде́же несть всено́щнаго, на повече́рии по Досто́йно и зри по трисвято́м глаго́лем конда́к Предте́чи. Сла́ва, и ны́не, пра́здника.

На у́трени: На Бог Госпо́дь: тропа́рь воскресе́н два́жды. Сла́ва, Предте́чи. И ны́не, пра́здника. По обы́чных стихоло́гиях седа́льны воскресе́ны с Богоро́дичны их и чтѣние в толкова́нии Ева́нгелия, е́же от Матфе́я, неде́ля по Креще́нии. По непоро́чнах тропари́ их и ипако́й гласа. И чтем в толкова́нии Ева́нгелия, неде́ля ряд. Аще ли же неде́ля ряд бу́дет во отсту́пке, тогда́ Ева́нгелие неде́ли ряд не чтем. Степе́нна гласа и проки́мен: Вся́кое дыха́ние: Ева́нгелие воскресе́но. Воскресе́ние Христо́во: и проче́е воскресе́но. Кано́н воскресен со ирмосом на 4, и пра́здника, оба канона на 6, и Предте́чи на 4. Катава́сия пра́здника, оба ли́ка вку́пе. По 3-й пе́сни конда́к и йкос пра́здника и седа́лен Предте́чи, два́жды. Сла́ва, и ны́не, пра́здника. И чтѣние о принесѣнии ру́ки Предте́чевы. По 6-й пе́сни конда́к и йкос Предте́чи. На 9-й пе́сни поём Честне́йшую: Свети́лен воскресен. Сла́ва, Предте́чи. И ны́не, пра́здника. На хвали́тех стихи́ры воскресе́ны 4 и пра́здника 4, со стихи́ пра́здничными, и́же пи́саны ве́чера на стихо́вне. Та́же глаго́лем стих на глас 6-й: Возвесели́тся пра́ведник: и поём самогласну стихи́ру

Предтечи, яже писана на Славу, на хвалитех: Ангел из неплодных ложесн: Слава, стихира Евангельская. И ныне: Преблагословенна еси, Богородице Дево: Славословие великое, и тропарь воскресен точию, и ектений, и отпуст. На 1-м часе тропарь воскресен. Слава, праздника. И ныне, Богородичен часов. По трисвятом кондак праздника. На 3-м часе тропарь воскресен. Слава, Предтечи. И ныне, Богородичен часов. По трисвятом кондак Предтечи. Такожде глаголем и на прочих часех тропарь и кондак праздника и Предтечи, пременяюще.

На Литургии: Блаженны Октоиха на 4, и праздника песнь 3-я, на 4, обоих канонов, и Предтечи песнь 6-я, на 4. По входе тропарь воскресен и праздника, и Предтечи. Также, Слава, кондак Предтечи. И ныне, праздника. Прокимен, Апостол, аллилуия и Евангелие Недели по Богоявлению и Предтечи. Причастен праздника и Предтечи: В память вечную: Аще не будет отступки, то недели ряд чем Апостол и Евангелие, под зачало. Аще ли же отступка будет, Апостола и Евангелия недели ряду не чем и прокимен гласа оставляется.

Подобает ведати:

М Аще прилучится попразднство Крещения Христова в неделю, а святыи поется на 4 или на 6.

В субботу вечера на малой вечерни стихиры воскресны и Богородице, по обычаю. Тропарь воскресен. Слава, и ныне, Богородичен его. На велицей вечерни по стихологии, на Господи, возвах: стихиры воскресны 4, и праздника 3, того дне, и святого 3.

зри Аще ли поется святыи на 6, или ему же и полиелей, и поем стихиры воскресны 3, и праздника 3, и святого 4. Слава, святого. Аще же ни, Слава, праздника. И ныне, Богородичен первый гласа.

На литий стихиры праздника, того дне рядовья стиховныя. Слава, и ныне, праздника. Аще ли иматъ святыи Славу, Слава, святого. И ныне, праздника. На стиховне стихиры воскресны. Слава, святого, аще есть. И ныне, праздника. Аще ли ни, Слава, и ныне, праздника. На благословении хлебов тропарь, Богородице Дево: дважды, и праздника единойды, и Буди Имя Господне: и прочее, и чтение в Посланных апостольских.

На утрени, на Бог Господь: тропарь воскресен дважды. Слава, святого, аще есть, аще ли ни, Слава, и ныне, праздника. По кафизмах седальны воскресны, и Богородичны их, и чтение во Евангелии толковом, неделя по Просвещении, и непорочны, и тропари: Ангельский собор: ипакой гласа. И чтение во Евангелии толковом, неделя ряд.

зри [Аще ли иматъ святыи полиелей: И по полиелеи тропари: Ангельский собор: И по ектений седальны святого вси, и

чтѣние]. Степенна, и прокімен гласа, и Всякое дыханіе: Евангелие воскресно, стихіра воскресна и прочее воскресно. Канон воскресен со ирмосом на 4, и Богородице на два, и праздника на 4, и святѣго на 4. Катавасія праздника. Аще полиелѣй или славословіе, и поѣм канон воскресен со ирмосом на 4, и праздника на 4, и святѣго на 6. По 3-й пѣсни кондак и ѡкос праздника и святѣго, аще ѡмать, и седален святѣго. Слава, и нѣне, праздника, и чтѣние. По 6-й пѣсни кондак воскресен и ѡкос, и пролог. На 9-й пѣсни поѣм Честнѣйшую: Светілен воскресен. Слава, святѣго, аще ѡмать, аще ли ни, Слава, и нѣне, праздника. На хвалітех стихіры воскресны 4, и святѣго, аще ѡмать, подобны 3, и самогласен, ѡже на Славу, поѣм с припѣвы егѡ. Аще ли не ѡмать святѣй хвалітных, и поѣм стихіры воскресны 4, и праздника 4, тогѡ дне стихѡвны ѡтрення с припѣвы праздничными. Слава, стихіра Евангельская. И нѣне, Препоблагословенна еси: Славословіе великое. По трисвятѡм тропарь воскресен точию. Ектеній, и отпѡст, и оглашеніе, и обѣчное исхожденіе в притвѡр, и час 1-й. На 1-м часѣ тропарь воскресен. Слава, праздника. И нѣне, Богородичен часѡв. По Отче наш: кондак праздника. Такожде и в прочія часы глаголем кондак праздника и воскресен, пременяюще, аще полиелѣй, и святѣго.

На Литургіи: Блаженны гласа на 6 и праздника пѣснь рядовая на 4. Аще ли ѡмать святѣй пѣснь, и Блаженны воскресны на 4, и праздника пѣснь рядовая на 4, и святѣго пѣснь 6-я на 4. По вхѡде тропарь воскресен и праздника. Таже храма и святѣго, аще ѡмать. Слава, кондак, святѣго. И нѣне, праздника.

Аще ли не ѡмать святѣй тропаря и кондака: Слава, ^{зри} воскресен. И нѣне, праздника. Прокімен, Апѡстол, аллилуія и Евангелие недѣли по Просвещеніи. Таже святѣго, аще ѡмать. Аще ли ни, ряд. А прокімен гласа оставляется. Причастен: Хваліте Господа с Небѣс: Другій святѣго, аще ѡмать. Аще ли ни, праздника.

Суббота по Просвещеніи. Прокімен, аллилуія и прича- ^{зри} стен праздника. Апѡстол к Ефесѣем, зачало 233. Евангелие от Матфѣя, зачало 7.

Недѣля по Просвещеніи.

Прокімен, глас 1: Буди, Господи, милость Твоя на нас, / якоже уповахом на Тя. Стих: Радуйтеся, праведнии, о Господе, правым подобает похвала. Апѡстол к Ефесѣем, зачало 224 от полѡ. Аллилуія, глас 5: Милости Твоя, Господи, во век воспѡю, / в род и род возвещѡ истину Твою усты мойми. Стих: Зане рекл еси, в век милость созиждется, / на Небесѣх уготовится истина Твоя. Евангелие от Матфѣя, зачало 8. Причастен праздника: Явился благодать Божия, спасительная всем человеком. Другій: Хваліте Господа с Небѣс, хваліте Егѡ в Вышних.

Собор Предтечи и Крестителя Господня Иоанна.

В Православной Церкви установлен обычай на следующий день великих Господских и Богородичных праздников вспоминать тех святых, которые ближайшим образом послужили данному священному событию в истории. На следующий день Богоявления Церковь чтит того, кто послужил делу крещения Христова, возложив свою руку на главу Спасителя. Святой Предтеча и Креститель Господень Иоанн, величайший из пророков, завершает историю Церкви Ветхозаветной и открывает эпоху Нового Завета. Он, по словам Блаженного Августина, епископа Ипонийского, «всех превосходит, пред всеми имеет преимущество; всяк, кто токмо рожден от жены, ниже Иоанна». Святой пророк Иоанн засвидетельствовал о пришествии на землю Единородного Сына Божия, воспринявшего человеческую плоть. Он сподобился крестить Его в водах Иордана и свидетельствовал таинственное Явление Пресвятой Троицы в день Крещения Спасителя. Сродник Господень по матери, сын священника Захарии и праведной Елисаветы, Предтеча Господень родился шесть месяцами раньше Иисуса Христа. Архангел Гавриил предвозвестил о его рождении в храме священнику Захарии. Испрошенный молитвами благочестивой четы, до преклонных лет лишенной детей, младенец Иоанн был исполнен благодати Святого Духа. Спасенный, по

милости Божией, от смерти, постигшей младенцев в Вифлееме, он вырос в дикой и бесплодной пустыне, приготавливая себя к пророческому служению строгим постом, богомыслием и молитвой.

В возрасте около 30 лет святой Иоанн вышел на проповедь покаяния на берег Иордана, чтобы своей проповедью приготовить народ к принятию Спасителя мира. По выражению церковных песнопений, святой Иоанн был «светлою утреннею звездю», которая своим блеском превосходила сияние всех других звезд и предвещала утро благодатного дня, освещаемого духовным Солнцем — Христом (Мал. 4,2).

Свою жизнь святой Иоанн Предтеча завершил мученически. Он обличил царя Ирода в незаконном сожителстве с Иродиадой, женой своего брата Филиппа, за что был заключен в темницу и обезглавлен (Мф. 14, 1—10). Святое тело Иоанна Предтечи было погребено его учениками в самарийском городе Севастии, где совершилось злодеяние. Память зачатия святого пророка Иоанна Предтечи Церковь празднует 23 сентября; рождество — 24 июня; усекновение главы — 29 августа; ее первое и второе обретение (452 г.) — 24 февраля; третье (ок. 850 г.) — 25 мая; перенесение десной руки из Антиохии в Константинополь (956 г.) — 7 января; перенесение ее с острова Мальта в Петербург (1799 г.) — 12 октября.

